

Գ. Ս. ԱՐՐԱՀԱՄՅԱՆ

ԳԻՏՈՒԹՅԱՆ ՊԱՏՄՈՒԹՅԱՆ 13-ՐԴ ՄԻՋԱԶԳԱՅԻՆ ԿՈՆԳՐԵՍՈՒ

Մոսկվայում 1971 թ. օգոստոսի 18—24-ը տեղի ունեցավ գիտության պատմությանը նվիրված Միջազգային 13-րդ կոնգրեսը:

Կոնգրեսին 41 երկրներից մասնակցում էին մոտ 1800 գիտնականներ՝ Մեծ Բրիտանիա՝ 64, Հեհաստան՝ 82, ՍՍՀՄ՝ 1050, ԱՄՆ՝ 201, Ֆրանսիա՝ 72, ԳՖՀ՝ 50, ինչպես նաև Կանադայի, Ռումինիայի, ԳԴՀ-ի, Զեխոսլովակիայի, Ճապոնիայի և այլ երկրների ներկայացուցիչներ:

Կոնգրեսը քննարկեց գիտության պատմությանը նվիրված ամենարագմադան հարցեր: Գործում էին 14 կոլոքվիումներ և 12 սեկցիաներ ու 13 ենթասեկցիաներ, այդ թվում՝ «Գիտություն գիտությունների մասին և գիտության պատմությունը», «Գիտնականի անձր գիտության պատմության մեջ», «Միջնադարյան գիտությունը՝ Արևելքի և Արևմուտքի փոխհարաբերությունները», «Գիտության և տեխնիկայի պատմության ընդհանուր պրոբլեմները», «Գիտական ուսումնասիրությունների կազմակերպման պատմությունը» կոլոքվիումները և մաթեմատիկայի, ֆիզիկայի, մեխանիկայի, բիոլոգիայի և այլ գիտությունների պատմության գծով սեկցիաները:

Երկրի մասին գիտությունների սեկցիան իր աշխատանքները տանում էր երկու ենթասեկցիաներում՝ աշխարհագրության ու օվկիանոսագիտության պատմության և երկրաբանության պատմության:

Կոնգրեսի բացումը տեղի ունեցավ Մոսկվայի համալսարանի նիստերի դահլիճում, օգոստոսի 18-ին, առավոտյան ժամը 10-ին: Բացման խոսքով հանդես եկավ ակադեմիկոս Բ. Մ. Կեդրովը: Կոնգրեսի մասնակիցները մեծ հետաքրքրությամբ լսեցին «Գիտության պատմությունը և նրա մշակման սկզբունքները» զեկուցումը: Զեկուցողը շոշափեց բաղամաթիվ հետաքրքիր հարցեր: Հիմնական եզրակացություններից մեկն այն էր, որ «իմանալով անցյալը, կարելի է ճիշտ կողնորոշվել ներկայում և կանխատեսել ապագան»:

Երկրի մասին գիտությունների պատմության սեկցիան ընդունել էր 79 զեկուցում: Ժամանակի սղության և այլ պատճառներով սեկցիայում քննարկման դրվեց միայն 45-ը, մնացած 34 զեկուցումները թեզիսների ձևով տպագրվեցին կոնգրեսի «նյութերում»:

Քննարկման դրված զեկուցումների մի մասը ըսվեց հեղինակների բացակայության պատճառով:

Աշխարհագրության և օվկիանոսագիտության ենթասեկցիայում լսված զեկուցումներից մեծ հետաքրքրություն առաջացրեց ենթասեկցիայի ղեկավար, ակադեմիկոս Ի. Պ. Գերասիմովի զեկուցումը՝ «Համաշխարհային աշխարհագրության զարգացումը ըստ Միջազգային աշխարհագրական կոնգրեսների նյութերի» թեմայով (Ա. Ա. Մինցի և Վ. Վ. Աննենկովի հետ համատեղ), Ֆ. Պինշեմսի (Ֆրանսիա) «Աշխարհագրության պատմությունը աշխարհագրական Միջազգային կոնգրեսների աշխատություններում», ինչպես նաև Վ. Ս. Պրեորրա-

ժենսկու զեկուցումը՝ նվիրված աշխարհագրության պատմությանը որպես գիտական դիսցիպլինի, և նրա խնդիրներին:

Ըներ հանրապետությունից Երկրի մասին գիտությունների պատմության սեկցիայում ընդունվել էր 8 զեկուցում, որոնցից քննարկման դրվեց մեկը՝ Լ. Բ. Բադդասարյանի ու Լ. Լ. Ասլանյանի «Աշխարհագրությունը և աշխարհագրական գիտելիքները վաղմիջնադարյան հայկական պատմագրության մեջ» զեկուցումը: Հեղինակները նշեցին, որ հայ պատմիչների՝ Աղաթանգեղոսի, Եղնիկ Կողբացու, Ղազար Փարպեցու և հատկապես Մովսես Խորենացու աշխատությունները պարունակում են բազմազան աշխարհագրական նյութ: Հասուկ ուշադրություն դարձվեց «Աշխարհացույցի» և Անանիա Շիրակացու աշխատությունների վրա:

Երկրի մասին գիտությունների պատմության սեկցիայի կողմից ընդունվել և թեզիսների ձևով տպագրվել են նաև մեր հանրապետությունից՝ Գ. Ս. Արրահամյանի, Լ. Լ. Ավագյանի, Լ. Ա. Ասլանյանի, Է. Գ. Մալխասյանի, Ս. Ս. Մկրտչյանի, Կ. Ա. Մկրտչյանի և Մ. Մ. Խաչատրյանի զեկուցումները:

Սեկցիայում քննարկվող բոլոր զեկուցումների շուրջը կատարվեց մտքերի աշխույժ փոխանակություն:

Կոնգրեսի եզրափակիչ ուղենար նիստը տեղի ունեցավ օգոստոսի 24-ին, Մոսկվայի համալսարանի նիստերի դահլիճում: